

Na osnovu čl. 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 64. stav 3. alineja 4. Zakona o zdravstvenoj zaštiti („Službene novine Federacije BiH“, br. 46/10 i 75/13) i Odluke o bližim kriterijima za imenovanja u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno („Službene novine Federacije BiH“, br. 54/10 i 59/10), kao i akta Federalnog ministarstva zdravstva br.01-33-0184/21 od 12.01.2021.godine, Klinički centar Univerziteta u Sarajevu

**raspisuje**

## **JAVNI OGLAS**

### **ZA IZBOR I IMENOVANJE PREDSTAVNIKA KLINIČKOG CENTRA UNIVERZITETA U SARAJEVU U UPRAVNOM ODBORU KLINIČKOG CENTRA UNIVERZITETA U SARAJEVU**

## **1./ POZICIJA**

Oglašava se Javni oglas za izbor i imenovanje 3 (tri) predstavnika iz reda uposlenika Kliničkog centra Univerziteta u Sarajevu u Upravnom odboru Kliničkog centra Univerziteta u Sarajevu (u daljem tekstu: Upravni odbor), od kojih najmanje 2 moraju biti iz reda zdravstvenih radnika.

## **2./ OPIS UPRAŽNJENE POZICIJE**

Djelokrug rada Upravnog odbora, u smislu člana 65. Zakona o zdravstvenoj zaštiti („Službene novine Federacije BiH“, br. 46/10 i 75/13), je:

- donošenje statuta zdravstvene ustanove,
- imenovanje i razrješavanje direktora odnosno v.d. direktora zdravstvene ustanove,
- utvrđivanje planove rada i razvoja zdravstvene ustanove,
- utvrđivanje godišnjeg programa rada,
- donošenje finansijskog plana i usvajanje godišnjeg obračuna,
- donošenje opštih akata o unutrašnjem uređenju i sistematizaciji poslova i druge opšte akte, saglasno zakonu i statutu zdravstvene ustanove,
- odlučivanje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove,
- usmjeravanje, kontrolisanje i ocjenjivanje rada direktora,
- rješavanje svih pitanja odnosa s osnivačem,
- odlučivanje o korištenju sredstava preko iznosa utvrđenog statutom zdravstvene ustanove,

- odgovaranje osnivaču za rezultate rada zdravstvene ustanove,
- odlučivanje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa,
- podnošenje osnivaču najmanje jedanput godišnje izvještaja o poslovanju zdravstvene ustanove,
- obavljanje i drugih poslova saglasno zakonu i statutu zdravstvene ustanove.

### **3./ MANDAT**

Mandat izabranih članova u Upravnom odboru traje 4 (četiri) godine sa mogućnošću reizbora na još jedan mandatni period.

### **4. / OPĆI USLOVI**

Kandidati za poziciju u Upravnom odboru, pored uslova utvrđenih u Zakonu o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03 i 34/03), kao i Zakonu o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08) dužni su ispunjavati i slijedeće uslove:

- da je državljanin Bosne i Hercegovine (uvjerenje o državljanstvu ne starije od tri mjeseca),
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog oglasa (izjava kandidata potpisana i ovjerena od strane nadležnog organa ne starija od tri mjeseca),
- da se na njega ne odnosi član IX.1. Ustava Bosne i Hercegovine (izjava kandidata potpisana i ovjerena od strane nadležnog organa ne starija od tri mjeseca),
- da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (izjava kandidata potpisana i ovjerena od strane nadležnog organa ne starija od tri mjeseca)
- da nema privatni – finansijski interes u Kliničkom centru Univerziteta u Sarajevu (izjava kandidata potpisana i ovjerena od strane nadležnog organa ne starija od tri mjeseca),
- da nije direktor zdravstvene ustanove, odnosno zavoda (izjava kandidata potpisana i ovjerena od strane nadležnog organa ne starija od tri mjeseca),
- da nije član ni u jednom upravnom odnosno nadzornom odboru ustanove, zavoda odnosno privrednog društva s većinskim državnim kapitalom (izjava kandidata potpisana i ovjerena od strane nadležnog organa ne starija od tri mjeseca).

### **5. / POSEBNI USLOVI**

Kandidati za poziciju u Upravnom odboru, pored općih uslova, dužni su ispuniti posebne uslove iz Odluke o bližim kriterijima za imenovanja u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno („Službene novine Federacije BiH“, br. 54/10 i 59/10), i to:

- da su zdravstveni radnici odnosno zdravstveni saradnici- VII stepen (dokaz: ovjerena fotokopija diplome)
- da ima najmanje pet godina radnog iskustva na poslovima svog stručnog naziva (dokaz: potvrda o radnom iskustvu),
- da ima stručno znanje iz djelatnosti Kliničkog centra Univerziteta u Sarajevu, te da je upućen u sadržaj i način njenog rada,
- da ima sposobnost upravljanja finansijskim sredstvima i ljudskim resursima, kao i sklonost timskom radu.

## **6./ OSTALI USLOVI**

Prilikom procjene kvalifikacije i iskustva kandidata, u obzir će se uzeti i slijedeće:

- sposobnost za savjesno i odgovorno obavljanje poslova,
- sposobnost nepristrasnog donošenja odluka, organizacijske i komunikacijske sposobnosti,
- dokazani rezultati rada ostvareni u toku radne karijere

## **7./ POTREBNI DOKUMENTI**

Uz prijavu na javni oglas kandidati su dužni dostaviti dokaze (originalne dokumente ili ovjerene fotokopije ne starije od tri mjeseca) o ispunjavanju općih i posebnih uvjeta, kao i biografiju o kretanju u službi, adresu i kontakt telefon.

## **8./ OSTALO**

Lični podaci o kandidatima su tajni i isti će se prikupljati i obrađivati u skladu sa odredbama Zakona o zaštiti ličnih podataka („Službeni glasnik BiH“ br.49/06, 76/11 i 89/11).

## **9./ PODNOŠENJE PRIJAVA**

Oglas za podnošenje prijave ostaje otvoren 15 dana od dana posljednjeg objavljivanja ovog oglasa, a isti će biti objavljen u Službenim novinama Federacije BiH, dnevnim novinama „Večernji list BH“ i web stranici KCUS-a.

Prijave sa dokazima o ispunjavanju uslova dostaviti lično ili putem pošte, preporučeno, sa naznakom

- “Prijava na Javni oglas za izbor i nominiranje 3 (tri) predstavnika iz reda uposlenika Kliničkog centra Univerziteta u Sarajevu u Upravnom odboru Kliničkog centra Univerziteta u Sarajevu – ne otvarati”,

na slijedeću adresu:

**Klinički centar Univerziteta u Sarajevu, ul. Bolnička 25, SARAJEVO.**

Na poledini koverta navesti ime i prezime podnosioca prijave, adresu i kontakt telefon.

**Neblagovremene i nepotpune prijave neće se uzeti u razmatranje.**

Svi kandidati koji budu stavljeni na listu sa užim izborom bit će pozvani na intervju pred Komisijom za izbor i imenovanje predstavnika iz reda uposlenika Kliničkog centra Univerziteta u Sarajevu u Upravnom odboru Kliničkog centra Univerziteta u Sarajevu. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.

Po okončanju postupaka delegiranja predstavnika iz reda uposlenika Kliničkog centra Univerziteta u Sarajevu u Upravnom odboru Kliničkog centra Univerziteta u Sarajevu, isti će biti dostavljen Federalnom ministru zdravstva koji, saglasno svojim nadležnostima iz člana 64. stav 6. Zakona o zdravstvenoj zaštiti, prijedlog članova iz reda uposlenika Kliničkog centra Univerziteta u Sarajevu u Upravnom odboru Kliničkog centra Univerziteta u Sarajevu, dostavlja Vladi Federacije BiH radi konačnog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili zainteresirana stranka može podnijeti prigovor na konačno imenovanje u skladu sa članom 16. Zakona o ministarskim, vladinim i drugim imenovanjima u Federaciji Bosne i Hercegovine.

**GENERALNA DIREKTORICA**

**Prof.dr Sebija Izetbegović**